

یوہ آکاشوانی جموں ہے محبوب سلطانے تے نصرت تیں خبر سُنو۔

HEADLINES

۱۔ جموں کشمیر اسمبلی غی کاروباری مشاورتی کمیٹی نے اج بجٹ اجلاس توں پہلاں اک میٹنگ منعقد کی۔

۲۔ لیفٹیننٹ گورنر منوج سنہا نے مہاتما گاندھی نانہہ اُن غی برسی ور خراج عقیدت پیش کیو تے کہیو جے عالمی غیر یقینی صورتحال مانہہ اُن غو رستورہنمائی فراہم کرے۔

۳۔ عظیم شہادت تے بہادری گا اعزاز مانہہ کٹھوعہ ریلوے سٹیشن غو نام بدل غے شہید کپٹن سنیل کمار چودھری کٹھوعہ عیلوے سٹیشن رکھیو گیو ہے۔

۴۔ حفاظتی دستاں نے کشتواڑ ضلع مانہہ دہشت گردی مخالف کاروائی تیز کردتی ہیں تے موبائل خدمات ور معطل کی ہیں۔

۵۔ محکمہ موسمیات نے 2 فروری توڑی جموں کشمیر مانہہ درمیانہ درجہ غی بارش تے برف باری کی پیشن گوئی کی ہے۔

BAC MEETING

جموں کشمیر قانون ساز اسمبلی گا سپیکر عبدل رحیم راتھر نے اج سیول سیکرٹریٹ جموں مانہہ کاروباری مشاورتی کمیٹی تے تمام پارٹیاں گا نمائنداں غی اک سانجی میٹنگ غی صدارت کی جس غو مقصد 2 فروری 2026 توں شروع ہون آلا بجٹ غی تیاریاں تے اینڈا نانہہ حتمی شکل دیو تھو اس میٹنگ مانہہ اہم ممبر بشمول علی محمد ساگر، مبارک گل، محمد یوسف تاریگامی، تے دیگر نے اپنا سجاؤ سانجا کیا تانجے اس اجلاس نانہہ باقاعدہ تے عوامی مفاد غو بنایو جاسکے اس دوران سیکرٹری منوج کمار پنڈت تے سنئیر اسمبلی افسر وی موجود تھا واضع رہ جے یاہ میٹنگ بجٹ اجلاس غی تیاریاں گا سلسلہ مانہہ اک اہم قدم غا طور ور ہے۔

LG BAPU TRIBUTES

لیفٹیننٹ گورنر منوج سنہا نے اج کہیو ہے جے مہاتما گاندھی گا عدم تشدد، سچائی تے انسانی وقار گا اصول عالمی غیر یقینی صورتحال، تنازعہ تے ماحولیاتی دقتاں گا موجودہ دور مانہہ وی انتہائی اہمیت رکھیں انہاں نے اس گل گو اظہار مہاتما گاندھی تے گاندھی جی گا رستہ ور چلن آلا مجاہدین آزادی نانہہ خراج عقیدت پیش کرتا مانہہ کہیو مبارک منڈی مانہہ گاندھی گلویل فیملی گی طرفوں منعقدہ تقریب سنگ خطاب کرتا واں ایل جی موصوف نے کہیو جے گاندھی جی صرف ماضی گا رہنما نہیں تھا بلکہ اج غی دنیا واسطے وی اک رہنمائی غی لو ہیں، انہاں نے کہیو جے بھارت غی جدوجہد آزادی دوران اُن غی عدم تشدد سچائی گو نظریو اج وی اتنو ہی اثر رکھے اس موقع ور بولتا واں ایل جی موصوف نے اس طرح کہیو۔

MARTYR'S DAY

حکومت غی ہدایت غے مطابق اج یوم شہداء غا موقع ور بھارت غی آزادی غی جدوجہد مانہہ جان قربان کرن آلاں غی یاد مانہہ 2 منٹ غی خاموشی اختیار کی گئی۔ وزیر اعلیٰ عمر عبداللہ نے اج وطن، آزادی، انصاف تے جمہوریت واسطے اپنی جان قربان کرن آلاں نانہہ خراج عقیدت پیش کی۔ انہاں نے کہیو جے ان غی عظیم قربانی اُن آلی نسلان واسطے ہمیشہ حوصلہ غی علامت ریں غی۔ اس ضمن مانہہ سیول سیکرٹریٹ مانہہ اُن گا اعزاز مانہہ دو منٹ سیکرٹری سمیت تمام انتظامی سیکرٹریاں نے شرکت کی۔

KATHUA RS RENAMED

عظیم شہادت گا اعزاز مانہہ کٹھوعہ ریلوے سٹیشن گو ناں بدل غے شہید کپٹن سونیل کمار چودھری کٹھوعہ ریلوے سٹیشن رکھیو گیو ہے اس ضمن مانہہ حکم نامو جنرل انتظامی محکمہ جی اے ڈی غی طرفوں لیفٹیننٹ گورنر منوج سنہا غی منظوری توں بعد جاری کیو گیو ہے یوہ فیصلو کپٹن سونیل کمار چودھری غی عظیم قربانی تے بے مثال بہادری نانہہ خراج عقیدت پیش کرتا واں کہیو کہ جنہاں نے 27 جنوری 2008 مانہہ آسام اندر عسکریت پسندی غے خلاف کاروائی غے دوران 27 براں غی عمر مانہہ اپنی جان قربان کی تھی انہاں نے اُن غی شہادت توں بعد ملک گ ادوجا اعلیٰ ترین اعزاز کیرتی چکرا توں وی نوازیو گیو ہے آکاشوانی نیوز سنگ گل کرتا واں اُن غا والد کرنل پی ایل چودھری نے اس طرح کہیو۔

ANTI TERROR

حفاظتی دستاں نے اج ضلع کشتواڑ گا برفیلا چچاترو علاقہ مانہہ جاری دہشت گردی مخالف کارروائی تیز کردتی ہیں تانجے اُت چھپیاواں جیش محمد گا ترا دہشت گرداں گو پتو لایو جاسکے اس ضمن مانہہ سنگھ پورہ ، چنگام تے چھاترو علاقہ گا 6 کلو میٹر گا دائرہ مانہہ موبائل خدمات احتیاطی طور ور معطل کردتی گئی ہیں یاہ کارروائی 18 جنوری نانہہ شروع کی گئی تھی جس مانہہ خاصی برف باری غے دوران وی اک تون متا ٹاکرہ ہویا ہیں اس سلسلہ مانہہ پیش ہے اک رپوٹ۔ اونگا پونچھ ضلع گا سرنکوٹ علاقہ مانہہ مشتبہ نقل حرکت غی سو ملن تیں بعد الگ تون تلاشی کارروائی جاری ہیں۔

ICC CONFERENCE

بھارت غا تاجراں تے صنعتکارن غی تنظیم، نے ملک غی خدمت مانہہ 100 سال مکمل ہون غا موقع ور آئی۔سی۔سی رائٹنگ جموں کشمیر 2026 غا عنوان تیں ایک اہم تے اعلیٰ سطحی کانفرنس نانہہ کامیابی سنگ منعقد کیو۔کانفرنس غو مقصد جموں کشمیر مانہہ معاشی ترقی نانہہ فروغ دینو تے ترقی غا نظام نانہہ مزید بدھانو ہے۔ جموں میونسپل کارپوریشن غا کمشنر ڈاکٹر دیوانش یادو نے میونسپل قوانین تیں متعلق ایک سیشن غی صدارت کی۔ انہاں نے عمارتاں غی اجزت، زوننگ قوانین، تجارتی لائسنس، سائن بورڈ غا قواعد، ڈیجیٹل گورننس تے کاروبار نانہہ آسان بنان واسطے قوانین نانہہ سادہ بنان جیسا اہم موضوعات ور گل بات کی۔ تقریب سنگ خطاب کرتا وان ہے۔ ایم۔سی۔ کمشنر نے اس طرح کہیو۔

SAMBA CRECHE

ڈپٹی کمشنر سانبہ آیوشی سودن نے اج سامبہ غا ڈی۔سی۔آفس کمپلیکس مانہہ خواتین ملازمان واسطے ایک کریچ یعنی بچاں غی نگہداشت غا مرکز گو افتتاح کیویاہ سہولت ریڈ کر اس سوسائٹی غی جانب تیں تیار کی گئی، تانجے کم کرن آلی خواتین نانہہ دفتر غے قریب محفوظ تے بہتر بچاں غی دیکھ بھال غی سہولت لب سکے۔ اس قدم غو مقصد خواتین نانہہ اپنا پیشہ وارانہ کم تے گھریلو فرائض مانہہ توازن قائم کرن مانہہ مدد لبے غی۔ افتتاحی تقریب مانہہ ایڈیشنل ڈپٹی کمشنر ، ضلع افسران تے ریڈ کر اس غا نمائندہ موجود تھا۔ آکاشوانی غا خیراں آلا شعوبہ سنگ گل کرتا وان ڈی۔سی۔ آیوشی سودن نے اس طرح کہیو۔

FOOTBALL CRICKET LEAGUES

نچلی سطح ور کھیڈاں نانہہ فروغ دین غا مقصد تیں جموں مانہہ وائی۔ایس۔ایس، جے۔کے۔ایس۔سی فٹ بال تے کرکٹ پرمیئر لیگ غو انعقاد کیو جے غو۔ جن غا مقابلہ آئندہ مہینہ مانہہ شروع ویں گا ۔ آکاشوانی جموں غا نمائندہ غے مطابق، یے لیگز ، نوجوان خدمت تے کھیڈ بارے محکمہ تے جموں کشمیر کھیڈ کونسل غا اشتراک تیں منعقد ویں گا۔ اس غو مقصد کھیڈ مقابلہ نانہہ دوبارہ تیں فروغ دینو تے مقامی کھیڈاریاں نانہہ اپنی صلاحیت دسن غو موقعو دینو ہے۔ اس مانہہ فٹ بال غا 41 مقابلہ تے کرکٹ غا 39 مقابلہ کھیڈیاں جیں گایے مقابلہ سنتھیٹک ٹرف فٹبال گرائنڈ پریڈ تے مولانا آزاد سٹیڈیم مانہہ کھیڈیا جیں غا۔

WEATHER UPDATE

محکمہ موسمیات نے جموں کشمیر واسطے موسم غی تازہ اطلاع جاری کی ہے۔ اج بلند پہاڑی علاقان مانہہ چند مقامات ور ہلکی برف باری ہون غا امکان ہیں۔ کل تیں 1 فروری توڑی ، مرکزی زیر انتظام غا کئی علاقان مانہہ تیز ہواواں غے نال ہلکی بارش تے برف باری ہو سکے۔ 2 فروری غی رات تیں 3 فروری غی سویر نانہہ وی ہلکی بارش تے برف باری غا امکان ہیں۔ حکام نے برف تیں متاثرہ علاقان گا رہائشیاں تے مسافراں نانہہ سرکاری ہدایات ور عمل کرن غی صلاح دتی ہے۔ محکمہ موسمیات غا ایک افسر نے مزید جانکاری دیتاواں اس طرح کہیو۔

NEWS READ BY MAHBOOB SULTANI
NEWS READ BY NUSRAT
NEWS EDITOR ABHILASHA SHARMA
DEO NUSRAT
TECH ASST QUDRAT
SKILLED RAJAT